



UNIVERSITÄTS-
BIBLIOTHEK
PADERBORN

Universitätsbibliothek Paderborn

Compendium Sacrorvm Ritvvm Et Caeremoniarvm

Vinitor, Gerlacus

Coloniae Agrippinae, 1656

III. De Completorio.

urn:nbn:de:hbz:466:1-9459

Ceroferarij dum tenent candelabra ante eum ad Orationem, & tunc decet vt tam Assistentes, quàm Ceroferarij stent facie sibi conuersa.

TITVLVS III.

De Completorio.

1. **Q**uandocunque Completorium solemniter est Celebrandum, Sacerdos Celebrans, aut hebdomadarius, stabit in loco suo Chori, habitu ordinario, choralis indutus, officium verò ipsius erit circa hæc, videlicet, vt dicente Cantore *Iube Domne benedicere*, ipse stans respondeat *Noctem quietam, &c.* & post lectionem breuem subdit idem Celebrans *Aditorium nostrum, &c.* se signans, deinde *Pater noster*. Tum profundè inclinatus dicit *Confiteor* dicens *vobis fratres, & vos fratres* conuertit se ad collegiales suos, & sic manet inclinatus donec Chorus totus dixerit *Misereatur mihi, &c.* conuersus ad ipsum Celebrantem, & tunc surgit, Chorus repetit *Confiteor* ad quod sunt inclinati omnes profundè, & se conuertunt ad Celebrantem dicentes *Tibi Pater, & te Pater*, & dum Celebrans dicit *Misereatur vestri, &c.* conuertit se ad Chorum, & ad *Indulgentiam* se signat.

Carem. Episc.
lib. 2. c. 4.

2. Deinde facto sibi signo Crucis super pectus, pollice dextero, dicit *Conuerse nos, & Deus in adiutorium, &c.* se signando à fronte ad pectus, vt alias: & incepto Psalmo sedebit. Cætera omnia dicentur per Chorum vsque ad Capitulum quod Hebdomadarius cantat sicut & initium Antiphonæ ad Canticum *Nunc dimittis* scilicet *salua nos, Preces, versus, & orationem*, vt in Breuiario, demùm benedictionem dabit dicens *Benedicite*

vos omnipotens. &c. finitaque Antiphona de Beatissima Maria Virgine collectam eidem correspondentem subiunget.

3. Quando verò post Completorium Sanctissimum Eucharistia Sacramentum reponendum erit, vt in precibus 40. horarum fieri solet. Hebdomadarius, aut alius in fine Completorii sub Antiphona de Beatissima Maria Virgine in Sacristia indutus superpelliceo, & Stola, & si haberi potest, pluuiali albi coloris. Deinde Thuriferario cum Thuribulo, Nauicula, cochleari, & duobus saltem Acolythis cum luminaribus precedentibus, medius si commodè fieri potest inter duos Presbyteros superpelliceis ac Stolis indutos, procedit iunctis manibus ad Altare in quo expositum est Sanctissimum Sacramentum, factaque ibidem utroque genu in plano Capella genuflexione, ministrante Presbytero assistente à dextris, aut in eius defectu alio cochleari absque osculo; & nauiculam nihil dicendo, & Thuriferario thuribulo ter impositus in thuribulum; deinde in supremo Altaris gradu genuflexus ante SS. Sacramentum illud thurificat triplici ductu antè & post thurificationem profundè inclinans; mox accedit ad Altare præuà genuflexione accipiet Monstrantiam cum SS. Sacramento quam eleuatam ambabus manibus versus populum tenens cantante Choro Genitori Genitricique benedicet cum ea populum, facie Hostia ad eundem versa, in modum crucis, nihil dicens & gyrum perficiens, reuerenter reponit: Deinde surgens repetita ante infimum Altaris gradum genuflexione cum ministris, vt antè, redit ad Sacristiam.

ANNOTATIONES.

§. 1. Ad Canticum *Nunc dimittis* nulla fit thurificatio Altaris.

§. 2. Organum in Completorio non adhibetur nisi quando solemnius in solemnioribus festis celebratur, quo casu Organum adhiberi poterit, iuxta normam superius Tit. XXVIII. traditam ad Hymnum, Canticum *Nunc dimittis* & in fine ad Antiphonam Beatissima Maris Virginis.

Carem. Epif.
lib. 2. cap. 4.

§. 3. Cum Episcopus in Completorio praesens est & officium non facit omnia per Hebdomadarium in suo habitu Choralis fiunt, observatis tamen debitis reuerentijs versus Episcopum, nam ipse Hebdomadarius ad versiculum *Indulgentiam, &c.* in principio, & ad versiculum *Benedicat vos Omnipotens Deus, &c.* in fine inclinabit se profunde versus Episcopum. Reliqua sent ac si Episcopus praesens non esset.

Carem. Epif.
loco citato.

Carem. Epif.
ibidem.

TITVLVS IV.

De Matutinis.

AD matutinas solemniter cantandas hora competenti congregantur omnes ad Sacristiam, ubi habitu suo Choralis omnes induiti & congregati progrediuntur hoc ordine ad Chorum. Praeedit Magister Ceremoniarum, deinde duo Cantores, tertio loco Hebdomadarius seu Presbyter facturus officium, sequuntur alij Canonici seniores & digniores, deinde iuniores & minus digni. Cum peruenerint ante Altare omnes genuflecti aliquantum orant Canonici seu Presbyter facturus officium cum suis Clericis in plano Chori, ante Altare, alij hinc inde in eodem plano ab utraque parte Chori. Surgente Canonico aut Presbytero praedicto cum suis Clericis omnes pariter surgunt. Qui facta Altari debita reuerentia salutisque hinc inde

Carem. Epif.
lib. 2. cap. 50.
& 6.

Clericis